

文淵閣

影印

四庫全書

影印

文淵閣四庫全書

第一四二三冊

北京出版集團公司
北京出版社

本冊目次

御定歷代賦彙（四） 外逸補 集句遺

清

康熙四十五年
陳元龍奉敕編

……一

欽定四庫全書

御定歷代賦彙外集卷二

集部

詳校官檢討臣劉 烜

王事銜臣徐以坤覆勘

總校官編修臣王燕緒

校對官中書臣王慶長

謄錄監生臣余嘉穎

欽定四庫全書

御定歷代賦彙外集卷一

言志

慰志賦

漢 崔篆

嘉昔人之遺辰兮美伊傳之選時應規矩之倣質兮過班固而裁之協準矚之貞度兮同斷金之玄策何天道於盛世兮超千載而垂績宣修德之極致兮將天祚之悠通懸予生之不造兮下漢氏之中微氛霓鬱以橫厲

欽定四庫全書

御定歷代賦彙外集

卷一

兮義和忍以潛暉六柄制於家門兮王綱摧以陵遲黎共奮以跋扈兮羿浞狂以恣睢暗慢藏而乘釁兮竊神器之萬機思輔弼以喻存兮亦號咷以訓咨嗟三事之我負兮乃迫予以天威豈無熊僚之微介兮悼我生之藏夷庶明詰之末風兮懼大雅之所譏遂翕異以委命兮受符守乎艮維恨遭閉而不隱兮違石門之高蹤揚蛾眉於復關兮犯孔戒之治容懿氓蚩之悟悔兮慕白駒之所從乃稱疾而屢復兮歷三祀而見許悠輕舉以

遠遁兮託峻危以幽處靜潛思於至蹟兮騁六經之奧
府皇再命而紹邨兮乃眷顧乎建武運機槍以電埽兮
清六合之土寓聖德滂以橫被兮黎庶愷以鼓舞闢四
門以博采兮彼幽牧之我舉兮畫定而計決兮豈云貴
乎彼鄙苟遂懸車以繫馬兮絕時俗之進取歎暮春之
成服兮闔衡門以埽軌聊優游以永日兮守性命以盡
齒貴啟體之歸全兮庶不忝乎先子

顯志賦 有序

漢 馮衍

欽定四庫全書

御定歷代賦彙外集

二

馮子以大人之德不碌碌如玉硤硤如石風興雲蒸一
龍一蛇合道翔翔與時變化夫豈守一節哉上隴阪騰
高岡遊精宇宙流目八紘眇然有思凌雲之意乃作賦
自廣命篇曰顯志云

開歲發春兮百卉含英甲子之朝兮汨吾西征發軔新
豐兮徘徊鎬京陵飛廉而太息兮登平陽而懷傷悲時
俗之險阨兮哀好惡之無常棄衡石而意量兮隨風波
而飛揚紛綸流於權利兮親雷同而妒異獨耿介而慕

古今豈時人之所意沮先聖之成論兮邈名賢之高風
忽道德之珍麗兮務富貴之樂耽遵大路而徘徊兮履
孔德之窈冥固衆夫之所眩兮孰能觀於無形行勁直
以離尤兮羌前人之所有內自省而不慙兮遂定志而
弗改欣吾黨之唐虞兮愍吾生之愁勤聊發憤而揚情
兮將以蕩夫憂心往者不可攀援兮來者不可與期病
沒世之不稱兮願橫逝而無由陟雍時而消搖兮超略
陽而不反念人生之不再兮悲六親之日遠陟九峻而
臨炎暉兮聽涇渭之波聲顧鴻門而歎歎兮哀吾孤之
早零何天命之不純兮信吾罪之所生傷誠善之無辜
兮齎此恨而入冥嗟吾思之不逮兮豈敗事之可悔雖
九死而不瞑兮恐余殃之有再淚汎瀾而雨集兮氣滂
淖而雲披心怫鬱而紆結兮意沉抑而內悲瞰太行之
嵯峨兮觀壺口之崢嶸悼丘墓之蕪穢兮恨昭穆之不
榮歲忽忽而日邁兮壽冉冉其不與恥功業之無成兮
赴原野而窮處昔伊尹之干湯兮七十說而乃信皋陶

欽定四庫全書

御定歷代賦彙外集

三

釣於雷澤兮賴虞舜而後親無二士之遭遇兮抱忠貞
而莫達率妻子而耕耘兮委厥美而不伐韓盧抑而不
縱兮騏驥絆而不試獨慷慨而遠覽兮非庸庸之所識
卑衛賜之阜貨兮高顏回之所慕重祖考之洪烈兮故
收功於此路循四時之代謝兮分五土之刑德相林麓
之所產兮嘗水泉之所殖修神農之本業兮採軒轅之
奇策追周秦之遺教兮軼范蠡之絕迹陟隴山以踰望
兮眇然覽於八荒風波飄其並興兮情惆悵而增傷覽
欽定四庫全書
御定歷代賦彙外集
卷一
四

頌成康之載德兮詠南風之歌聲思唐虞之晏晏兮揖
稷契與為朋苗裔紛其條暢兮至湯武而勃興昔三后
之純粹兮每季世而窮禍弔夏桀於南巢兮哭殷紂於
牧野詔伊尹於亳郊兮享呂望於鄴州功與日月齊光
兮名與三王爭流楊朱號乎衢路兮墨子泣乎白絲知
漸染之易性兮怨造作之弗思美閼雎之識微兮愍王
道之將崩拔周唐之盛德兮据桓文之譎功怨戰國之
構禍兮憎權臣之擅彊黜楚子於南郢兮執趙武於渙
欽定四庫全書
御定歷代賦彙外集
卷一
五

梁善忠信之救時兮惡詐謀之妄作聘申叔於陳蔡兮
禽荀息於虞號誅犂鉏之介聖兮討臧倉之惡知嫫子
反於彭城兮爵管仲於夷儀疾兵革之寢滋兮苦攻伐
之萌生沉孫武於五湖兮斬白起於長平惡叢巧之亂
世兮毒縱橫之敗俗流蘇秦於洹水兮幽張儀於鬼谷
澄德化之陵遲兮烈刑罰之峭峻燔商鞅之法術兮燒
韓非之說論誚始皇之跋扈兮投李斯於四裔滅先王
之法則兮禍寢淫而宏大援前聖以制中兮矯二王之

驕奢饕餮女於絳臺兮餐椒舉於章華搗道德之光耀
兮匡衰世之眇風襲宋襄於泓谷兮表季札於延陵撫
仁智之英華兮激亂國之末流觀鄭僑於漆洧兮訪晏
嬰於營丘日噎噎其將暮兮獨於邑而煩惑夫何九州
之博大兮迷不知路之南北馳素虬而馳騁兮乘翠雲
而相伴就伯夷而折中兮得務光而愈明款子高於中
野兮遇伯成而定慮飲真人之德美兮淹躊躇而弗去
意斟懽而不澹兮俟回風而容與求善卷之所存兮遇
許由於負黍勒吾車於箕陽兮秣吾馬於潁潁聞至言
而曉領兮還吾反乎故宇覽天地之幽奧兮統萬物之
維綱究陰陽之變化兮昭五德之精光躍青龍於滄海
兮養白虎於金山鑿巖石而為室兮託高陽以養仙神
崔翔於鴻厓兮玄武潛於嬰冥伏朱樓而四望兮采三
秀之華英纂前修之姤節兮曜往昔之光勲披綺季之
麗服兮揚屈原之靈芬高吾冠之岌岌兮長吾佩之洋
洋飲六醴之清液兮食五芝之茂英捷六枳而為籬兮

築蕙若而為室播蘭芷於中庭兮列杜衡於外術攢射
干而雜靡蕪兮構木蘭與辛夷光扈扈而煬燿兮紛郁
郁而暢美華芳晡其發越兮時恍忽而莫貴非惜身之
軼軻兮憐衆美之顛預遊精神於大宅兮抗玄妙之常
操處清靜以養志兮實吾心之所樂山嵒嵒而造天兮
林冥冥而暢茂鸞回翔索其羣兮鹿哀鳴而求其友誦
古今以散思兮覽聖賢以自鎮嘉孔丘之知命兮大老
聃之貴玄德與道其孰實兮名與身其孰親陂山谷而
閒處兮守寂寞而存神夫莊周之釣魚兮辭卿相之顯
位於陵子之濯園兮似至人之髣髴蓋隱約而得道兮
无窮悟而入術離塵垢之窈冥兮配喬松之妙節惟吾
志之所庶兮固與俗其不同既傲儻而高引兮願觀其
從容

敘志賦

魏韋誕

肩鴻烈之末流蒙祖考之餘德奉過庭之明訓納微躬
於軌則勉四民之耕耘遂能辨乎菽麥自弱冠而立朝

無匡時之異才每寤寐以歎思思損已而降階遭大魏之革命網羣士於行職雖固陋之無用猶收錄而序飾歷文武於機衡擁大璫於帝側隨倫儕以按牒乃剖符而封殖顧儀服而增憤心夕惕以愧惡蒙聖皇之宏恩過待畢於卿士奉朝請於朔望恭禋享於郊祀念余年之冉冉忽一過其如馳微奇功以佐時徒曠官其何為匪遜讓之足徇信神氣之稍衰將訴誠於明后乞骸骨而告歸

欽定四庫全書

御定歷代賦彙外集

魏 劉 禎

遂志賦

魏 劉 禎

幸遇明后因志東傾披此豐草乃命小生生之小矣何茲云當收馬於路役車低昂愴悵惻切我獨西行去峻溪之鴻洞觀日景於朝陽釋叢棘之餘刺踐檀林之柔芳瞰玉漿以曜目榮日華以舒光信此山之多靈何神分之煌煌聊且遊觀周歷高岑仰攀高枝側身遺陰磷磷闢闢以廣其心伊天皇之樹葉必結根於仁方捐吳夷於東隅擊暉臣乎南荆戡干戈於內庫我馬繫而不

行揚洪恩於無涯聽頌聲之洋洋四寓莫以無為玄道穆以昔將翼俊又於上列退仄陋於下場襲初服之蕪歲託蓬蘆以遊翔豈敢言而云爾乃旦夕之可忘

遂志賦

有序

晉 陸 機

欽定四庫全書

御定歷代賦彙外集

九

人而優游清典漏幽通矣班生彬彬切而不絞哀而不怨矣崔蔡沖虛溫敏雅之屬也衍抑揚頓挫怨之徒也宜亦窮達異事而聲為情變乎余備託作者之末聊復用心焉武定鼎於洛汭胡受瑞於汝墳繇鳴鳳於百祀啟敬仲乎方震苟天光之所照豈舜族其必陳壓裡祀於故墟饗禴祭於東鄰彌八葉而相茂舞九韶乎降神系姜叟於海曲表滄流於遠震仰前蹤之縣邈豈孤人之能冒

匪世祿之敢懷傷茲堂之不構理或睽而後合道有夷而弗順傳栖巖而神交伊荷鼎以自進蕭綢繆於豐沛故攀龍而先躍陳頓委於楚魏亦凌霄以自濯伍被刑而伏劔魏和我而擁樂彼殊塗而並致此同川而偏溺禍無景而易逢福有時而難學惟萬物之運動雖紛糾而相襲隨性類以曲成故圓行而方立要信心而委命援前修以自程擬遺跡於成軌詠新曲於故聲任窮達以逝止亦進仕而退耕庶斯言之不渝抱耿介以成名

欽定四庫全書

御定歷代賦彙外集

十

勵志賦

魏
丁儀

覽前志而博觀求余心之所安雖疲駕而才弱敢舍力而不攀懿躬稼之克在賤善射而隕殘義首陽之遺譽憎千駟之餘訕宗含藏之偉節薄鼎角之自干嘉法言之令揚悼說難之喪韓鑒登險之敗績顧清道以自閒瞻亢龍而懼進退廣志於伐檀雖德厚而祚卑猶不忘於盤桓薰以芬香而自燒兔亦取斃於蒙翰援大雅以為戒眺龔勝而自歎嗟世俗之參差將未審乎好惡咸

隨情而與議固真偽以紛錯穢枯孟之周用令瑚璉以抗閣恨騾驢之進庭屏騏驎於溝壑疾青蠅之染白悲小弁之靡託惡晨婦之蒙厚痛三代之見薄惟受性之樸拙亮未達乎測度顧鍾子之既沒牙輟絃而不作敦三思之彌憤動循牆之茲恪勉夕改以補朝履日新而悔昨

勵志賦

元
涂幾

予幼負此奇志兮思時俗之所難薄榮名而不顧兮將遺斯世之治安惟任重而道遠兮懼吾力之已殫雖委

欽定四庫全書

御定歷代賦彙外集

十一

絕而猶不悔兮誓將歷乎險艱彼小人之無知兮方笑予行之速邇雖一二之同志兮亦僅以文學而相憐仲尼甘於旅寓兮聘列國而拳拳禹暨稷之辛勤兮哀夫人之瘠捐吾誠不及古之人兮諒天命之可懷負衣冠而不力兮又何取乎三才步中正以為軌兮服仁義以為軌審孜孜以無倦兮俟吾死而焉求飢吾飲乎水泉兮困吾枕乎荆棘指蒼天以為正兮予匪計乎朝夕

表志賦有序

晉 叢 據

據忝職門下在帷幄之末與羣士啟齊登玉陛待日月
久矣出為冀州刺史犬馬戀主既有微情且志之所存
不能無言因而賦之曰

過承嘉會擢身泰辰俯躡丹墀仰承三辰當樂夏之凱
南蒙朱陽之和仁接鳴鸞之垂翼因神蚪之光鱗浮眇
末之纖質濟吾身於天津邈盧敖之所涉階多士之遺
塵登九垓之虛軌覲汗漫之威神情飄飄而凌雲意髣
欽定四庫全書 御定歷代賦彙外集 卷一 十三

髴於真人扶搖薄於懸圃增城鬱以嵯峨被羽衣之飛
飛握若蕙之芳華蹈糾紛之絕軌攀大椿之疎柯意翹
翹而慕遠思濯髮於天波悲落葉之恩條情戀戀於昊
蒼懷聖德之弘施情慘切而內傷感有莘之媵臣顧致
主於陶唐

言志賦

梁元帝

天文既表人文可觀知負展之未易信握鏡之云難差
立極而補天驗璧合而珠連有庖羲之八索稱朱襄之

五絃聞夏王之鑄鼎重農皇之播田雖車軌之未同置

彌媿於棟隆戮封豕於海內斬長狄於區中懷宿昔之
璵璠並來遊於兔園悲元瑜之已逝歎靈光之獨存想
延賓於北閣因置酒於南軒聞鶯鳴而懷友聽長笛其
何言夙有尚於清靜叨再入於鄢郢東窺文命之穴南
望洪崖之井遂撫運而登庸謬垂疏而卷領雖有媿於
前英每求友於未明召司烜而照夜觀執珪而滿庭誠
雖休以勿休實旨酒之忘憂絕陽阿之妙舞廢繇駒之
欽定四庫全書 御定歷代賦彙外集 卷一 十三

善謳彼知止與知足復何營而何欲柱何用於黃金案
寧勞於青玉爾乃高步北園用蕩竊煩桂偃蹇而臨棟
石穹隆而架門對灌木之修聳觀激水之飛奔澗不風
而自響天無雲而晝昏聞賓鴻之夜飛想過沛而霑衣
况登樓而作賦望淮海而思歸

述志賦

晉 曹 攄

慕浮雲以抗操耽簞食之自娛羨首陽之皎節歎南山
之高疏哀夫差之溷惑詠楚懷之失圖悲伍員之沉悴

痛屈平之無辜嘉沮溺之隱約羨接輿之狂歌顧大雅
之先智偉明哲之所經微見機而遂逝比舍生而親名
道殊塗而同歸要踰世而並榮舜拘忤於焚廩孔怵惕
於陳匡紛屯蹇之若斯何遭運之可常情恍忽以回迷
夢乘雲而飛馳駕麟鳳之靡靡載龍旂之洋洋周九州
而騁自登四岳而永望承聖詰而砥礪奮羽儀而翱翔
被蘭妃之芳華帶鍾山之玉英飾吾冠之岌岌美吾珮
之玲玲悲盛衰之遞處情悠悠以紆結攬萱草以掩淚

欽定四庫全書

御定歷代賦彙外集

十四

曾一歡而九咽

述志賦

隋蕭后

承積善之餘慶備箕帚於皇庭恐修名之不立時負累
於先靈迺夙夜而匪懈實寅懼於玄冥雖自然而不息
亮愚懵之所滯思盡節於天衢才追心而弗逮宴庸薄
之多幸荷隆寵之嘉惠賴天高而地厚屬王道之昇平
均二儀之覆載與日月而齊明迺春生以夏長等品物
而同榮願立志於恭儉私自兢於戒盈孰有念於知足

苟無希於濫名惟至德之弘深情不適於聲色感懷舊
之餘恩求故劔於宸極叨不世之殊盼謬非才而奉職
何寵祿之踰分撫胃襟兮未識雖沐浴於恩光內慚惶
而累息顧微躬之寡昧思令淑之良難實不遑於啟處
將何情而自安若臨深而履薄心戰慄其如寒夫居高
思危持滿防溢知恣夸之非道乃攝生於冲謐嗟寵辱
之易驚上無為而抱一履謙光而守貞且顧安乎容膝
珠簾玉箔之奇金屋瑤臺之美雖時俗之崇麗蓋吾人

欽定四庫全書

御定歷代賦彙外集

十五

之所鄙何締結之不工豈絲竹而喧耳知道德之可尊
明善惡之由已屏翳煩之俗慮乃服膺於經史綜歲誠
以訓心觀女史而作軌遵古賢之令範冀福祿之能綏
時修經而三省覺今是而昨非嗤黃老之指思信為善
之可依慕周姬之遺風美虞妃之聖則仰先哲之高才
貴至人之休德質菲薄而難縱心恬愉而去惑乃平生
之耿介實禮義之所遵雖生質之不敏庶積行以成仁
懼達人之蓋寡為何求而自陳誠素志之難寫同絕筆

於獲麟

述志賦

字張九成

伊余生之好修兮紛溷濁而獨清朝飲藍橋之雲液兮
夕餐月殿之落英製芙蓉以為裳兮紉蘭芷以為佩躡
天風予上征兮將以朝於玉帝朝發軔於泰華兮夕予
叩乎天閭覽瑤臺珠閣之突兀兮驂蒼虬采鳳以駿奔
吾與羣仙遨遊兮曰蓬瀛乎此焉處既徘徊而四顧日
與月為吾侶豐隆列缺其先驅兮攬槍招搖為吾埽除
廓氛埃而下視兮塊五嶽其尊壘攬四溟而一瀉兮宴
王母乎崑崙之隈忍憑几而坐寤兮知萬事其如夢聊
與此世而婆娑兮長笛呼風而三弄憫屈平之懷沙兮
笑子雲之投閣已攬袂而歎起兮悵星移而月落

述志賦

元胡天游

繫余生之碌碌兮承祖考之餘輝方年髫而志學兮思
踵武於前徽何中道之屯蹇兮終抱志而莫展霜毛颯
以垂頰兮懼五十而無聞挾遺編以私淑兮庶弗墜於

斯文嗟蚩蚩之世俗兮紛賤目而貴耳顧區區之魯人

兮尚弗知乎尼父青黃眩而莫分兮美惡混而相同計
微功於呻誦兮希速化於頤蒙朝卑辭以致幣兮夕怠
色而忘禮羣飛點而玉浣兮眾口哆侈而金燉毛牆覲
立而自揚兮曾不申乎蹇修抱雙璧以行媒兮反效鞠
局而卑是求謂驂騑為下乘子以款段為疾足采鳧茨
於道周子登砥砧於犀櫝般紛紛其得志兮長裾曳地
濟濟而相望俛爭食於雞鶩兮仰闊視而揚揚余方索
欽定四庫全書

御定歷代賦彙外集

十七

居子立而無與儔兮聊逍遙乎林下睇浮雲以舒嘯兮
倚翠竹而為伍崇繡紛其枳棘兮時覽德而踟躕飢
鶩之疾盼兮攫腐鼠而嚇余龍門萃律以干雲兮亦何
往而不我階彼蜺蜺之鼃黽兮夫豈入於我懷阿容堵
世以希寵靈兮誠有識之所嗤使余為倚市之倡兮孰
與夫容谷而幽居撫青萍以自珍兮曰有待夫知己儻
千金而非吾徒兮寧挂壁而無恥惟聖賢之與愚兮亦
皇皇而西東矧吾人之數奇兮敢背道而愠窮躋達觀

之無不可兮付出處於流歟苟素志靡違兮又何傷乎
感額正余冠之崔嵬兮理余冕之鏗將良時詎不可再
得兮姑從容而徜徉

述志賦

明 劉基

鮮余生之眇眇兮荷后皇之深仁具五氣以成形兮受
明命而為人體乾坤之粹精兮晞日月之景光漱飛泉
之華滋兮浥灝露之醇英製杜衡以為衣兮藉菰若之
菲菲佩琳璆之玲瓏兮帶文藻之歲蕤朝濯髮於蘭池

欽定四庫全書

御定歷代賦彙外集

十八

兮夕偃息乎瓊苑願馳騫以遠遊兮及白日之未晚駕
輕輶之將將兮服蒼蚪之駢駢遵大路以周流兮曳虹
蜺之委蛇挾長離而乘鸞兮款閭闔之九門豐隆為余
先導兮百靈為余駿奔前燭陰以啟塗兮颺凱風使清
埃覲北斗於文昌兮朝玉皇於帝臺食玄圃之丹雘兮
澡天潢之芳津激微焱於桂枝兮輕波起而龍鱗清都
不可以久留兮忽乘雲而遐征浮江湖之浩漭兮陵山
嶽之崢嶸野莽蒼以多榛兮路險隘而紆曲猗猗魚鱉

欽定四庫全書

御定歷代賦彙外集

十九

而攬噬兮蝮蛇蜿蜒以當陸鬱忡忡以怵惕兮遁皇皇
以營營雨淫淫而不止兮露黯黯以晝冥烏鵲號以成
羣兮鳳孤棲而無所楚屈原之獨醒兮衆皆以之為咎
欲振迅以高舉兮無六翮以奮飛將脂韋以從俗兮非
余心之所怡長太息以增歎兮哀時世之異常棄韶夏
而非聽子登傑休於中堂芼軒子以和羹子腌鮑魚而
實俎斲梗楠以給爨子束荆棘而為柱施罾麗於丘陵
兮怨魴鯉之弗獲虎兇逸於山林子循戶庭以求索前
蒙瞽以指塗兮強揚子使操轅命侏儒令舉鼎兮則都
盧使守閭歲冉冉而將頽兮日曖曖以就昧松柏摧而
根死兮江河化而為滄秣余馬於不周兮整余轡於樊
桐無著龜以決疑兮迷不知余所從搏扶搖以為輿兮
攬列缺以為輶騶青鸞之芟芟子超煙靄而上浮梁天
津以濟河兮睇紫微之神闕開明怒目而電視兮獵豹
吼而山裂進無人以為之先容兮欲自獻而不敢氣勃
鬱以憑中兮心惻傷以惜懷過少微而歷明堂兮就軒

轅而陳情雷霆辟其隱麟兮馬辟易而不行訪六符於
秦階兮求民極之所在咎繇不可以作兮競狂直以為
罪凌天街以徑度兮造旬始而瞻西清衆畏讒而卷舌
兮孰能白予之忠誠怡慍其無止兮然悄悄以狐疑要
傅說於箕尾兮命靈龜使占之曰有名必有實兮若彤
影之相因想福極出自天兮又何尤乎世之人鼎胡跖
而不烹兮旗胡張而弗麾孤不可以射侯兮駟不可以
策而馳衆蠕蠕以朶頤兮若頽波之東趨謂輩翟為弗
欽定四庫全書
御定歷代賦彙外集
卷一
二十

之弗將駕廣漠而南征兮叫重華於九疑山岑岑以蔽
天兮江淼淼而不可窺遭吾道夫西陲兮聽鳴鳳於岐
陽慨禾黍之離離兮梧桐摧而不生浮龍門以沂河兮
訪夏后之遺跡川瀆混而不分子鯨鯢起而人立攬騂
轡而迴鶻兮謁陶唐之舊京無衣裳以禦寒兮哀蟋蟀
之悲鳴心悵悵以增傷兮神夢夢其若醉淚洛洛以交
流兮憂湛湛兮而來會傳說之版築兮無武丁其誰舉
夷吾不逢夫鮑叔兮竟淪沒於囹圄推竭心以服勤兮
欽定四庫全書
御定歷代賦彙外集
卷一
二十一

上介山而立枯種霸越而滅吳兮終刻頸於屬鏤樂毅
升於金臺兮何逃遁而走趙周條侯之耿介兮卒含怨
以餓莩忠有蔽而不昭兮道有塞而不行名不可強而
立兮功不可期而成李斯上書以相秦兮空自陷於罪
尤買臣顯而僂辱兮宜如負薪之無憂魚赴餌以中鉤
兮雉慕媒而鷹鏑鳳凰翔於丹穴兮又何患乎矰弋返
余旆之旖旎兮還余車之駘駘采薇薇於山阿兮擷芹
藻於水濱洎玄泉以瑩心兮坐素石以怡情聆嚶鳴之

悅豫兮玩卉木之數榮挹清風之泠泠兮昭秋月之娟娟登高丘以詠歌兮聊逍遙以永年

述志賦

明陶望齡

維東揚之興闕兮曰無餘之舊都紆川巖之清淑兮繫靈括之所廬邇子系之云邈兮玄胄紹於陶唐美厥土而安宅兮肇德里而允臧伊予躬之孔辰兮值先烈其猶未墜嗟荏弱之啓惑兮愴顛顛而鮮惠踰跡迹而已却兮望救丘而猶躋器與時而多選兮材絕志而弗信

欽定四庫全書

御定歷代賦彙外集

三

雖矜容而好飾兮終歷齒而齟齬長不譽於州部兮幼鮮聞於鄉曲託微寄於縑緗兮散卑栖而自局發蒼水之閔藏兮歷羸皇之遺躅要聞史於棠椒兮問幽人於湖澳儵憑噫而超蹕兮覽皇運之休嘉爰布著而假莖兮曰利賓於王家疎修缺以倣裝兮紛長珮之瑤璫遵天衢而遠蹕兮去下里之喧誇嗤翺飛之弱幹兮星彌天乎網羅鐘鏗鏘而駭禽兮軒綰紛乎寵鶴鷹鷹繫於車箱兮遂蹢踉而高躍魂怔營而懷恍兮聊撫心而載

志維承明之峻密兮列椒蘭以為植奉大雅之惇誨兮振華纓而來既翺翔白玉之館兮偃宿青綺之被花茸茸而鎖院兮草葉葉而為臺凌玉清而邈紫虛兮況方丈之與蓬萊暎恩重而身輕兮若據鼇而虞抃將沉處而浮居兮非予心之所善羣侏儒以爭飽兮入金門而逃世儕優笑而驚進兮競周容之泄泄雖依隱而譎諛兮信流風之云翳吾丘興於格五兮終又媚之以長纓馬工文而鉅麗兮羌長慙而勸淫禹橫經而作師兮紛

欽定四庫全書

御定歷代賦彙外集

三

彬彬於擊悅辟數子於大道兮何異於甌栖之蒼蒹抱前修之遺則兮求賢聖之所經汨予懷之靡及兮耿申旦而未寧聊假寐而宴息兮發六候於精誠洵浮虛之為疾兮余夢適於羽民之國忽衝聽來余御兮矯垂天之健翼歷星辰而上振兮屈太一之所處命卑車以為載兮傲客許而揖余閣道窈以難窺兮關梁萃其可涉涉五潢而止舍兮九游續以先路蹈天苑之閭曠兮倚旄頭而遙矚憤貪狼之僇狡兮夫何封豕之咆勃吾令

白虎主伐兮鞭列缺以舉燧慮豐隆之吾欺兮逗壘壁而左次揮天枹兮擊河鼓威孤奮兮玄戈孔武欲往徂兮余無馬時甚良兮日吉余將遊兮營之室乘雲兮高驪觀八轂兮馳天倉信匏瓜之不食兮何牽牛之服箱心倥傯而弗舒兮逢巫咸之來謁指閭闔其非迷兮靈瑣開而未開時冉冉而易邁兮羌何為兮陸沈匪帝閭

之我禦兮紫宮蓋便娟紆鬱而嚴深盼開陽而少憇兮聞嘈嘈之廣樂方超超而欲進兮忽魂開而形拓整容

欽定四庫全書

御定歷代賦彙外集

三

儀以惟憶兮軫噩夢而孤疑聞達人之大覺兮願順風而占之曰道無軫兮物有方小不可以謀大兮短不可與汲長彼倬人之極皆兮奚足以睇乎喬嶽騫鷗鵬而遐徙兮詎僉調於蜩鶯昔放勳之峻烈兮巢乃訾其弗清惟貞觀之磅礴兮杞懞懞而憂傾固小夫之惛隘兮蹇多懷而好誹彼大道之孔夷兮乃偶時而委已棲澹泊以為廬兮遊逍遙以為度緣貞固之修權兮抗仁義之華慶仰塊塊以陶孔兮固於何而有所貴哲人之

純德兮亦捐美而去醜蘭翳芳於幽崖兮亮駢滋乎蕭艾玄駒教於封丘兮齊旄象而稱大羶匪慕以競時兮膏匪焚而邀害不近名以立辟兮固聖賢之所佩重曰撫躬迪訓心所躋兮維德之宅勿阨靡兮外適常足內

擬述志賦

明黃輝

夫何泰始之龐昧兮遂革化而至今世滔滔其相勝兮及頽波之汨淫邈來茲其焉往兮撫曩昔而不任嗟上

欽定四庫全書

御定歷代賦彙外集

三

下古今之無窮兮予在四之中央老冉冉而待人兮懷鬱鬱而屢更憶在韶而若昨兮觸陳轅而慨恍何休貞之艱邁兮助屯否其互傾古之人今皆安如兮置山川盤錯而無恙試登臨兮金臺聊騁望兮雀窺謁積霖兮乍豁劃涼颼兮徐來鳴蜩抱葉兮鴻雁爭飛林瑟瑟以甫暝兮露湛湛而為璣四寥廓而無倚兮中怡悵而若遺氣紆軫而不舒兮長太息以掩涕望八極甚茫茫兮哀民萌之勤瘁且閔閔以明農兮矧穡夫之望歲遐水

早之孔仍兮室縣磬而仇離應龍女魃狎為政兮雖堯
湯其奈何羌量適以咨責兮曾不敢乎自賞曰四海皆
予身兮懼庶徵之易訛昔軒后之純粹兮猶蚩尤之七
十戰也犬羊不可與羣兮宜裔土之是竄也惟猾夏以
干紀兮匪大刑之所貫也誠服厚其不足喜兮恐生心
而重患也彼有周之宣后兮赫然中興姜躬躬而脫簪
兮女鳩申申以善淫燁車攻之復古兮忍姜戎訏而敗
成惟宴安之不可懷兮自古難其有終儼內憂之多方

欽定四庫全書

御定歷代賦彙外集

三

兮何外患之足懲感盛衰於廩秋兮陰氣壯而攻膺獨
慘憺而誰語兮焉決昧而舒情將曠然以輕舉兮速避
觀乎九阰考元吉於文君兮簡良辰而儼裝陽采采以
鑒形兮風飄飄而應璫御太極以為輿兮聊翻校乎陰
陽二紀奚其凌脊兮五緯越而躊躇張嶽靈川后驕蹇而
失職兮酒星淋醺而披猖箕畢撒憫而失好兮八穀耗
滅而亡精貫索縈以糾紛兮七公却而自藏旄昂奚為
主胡兮恐街北以弄兵安用太山之桓桓兮不蝕月以

揚光天駟靡靡而蹇步兮煩轡策於王良泗何為而淪
鼎兮使弗若雜人而書行景瑞翳翳其何所兮妖帝凌
厲而縱橫鞠億兆其顛預兮宜司命之所慶試靈修以
代對兮乃退谷而詞窮九關我我不可徑造兮虎豹狺
狺而肆抗徒幅憶以衝頤兮雖畢詞以誰聽攬修轡以
迷津兮顛攀繚而慟慷慨含歎而增愁兮愁旦飢而復
噎曲昭質以自鏡兮恐流光之見迫聞至言之放患兮
冀仙夫之可借襲氣母於中夜兮豁氛穢之孔躅召巫

欽定四庫全書

御定歷代賦彙外集

三

咸使采藥兮玉英燦而陸離收至精於澹泊兮靈根固
而不衰匪年歲之足貪兮將永從予之所謀重曰練子
真兮首清路蹟先民兮炯自顧遵夷軌其虞蹇兮何僞
徑之足步芬響象之偶然兮非聖哲之預慮省譽殃而
自救兮炳醇和而中固亘宇宙以獨存兮甯得喪其奚
與庶長轡之不頗兮幸無乖於斯慕

復志賦 有序

唐 韓愈

愈既從隴西公平汴州其明年七月有負薪之疾退休